



PARAMANI O TE KUKI AIRANI

KOVITI-19 TURE TAMANAKO AKATUKE ANGA (NUMERO 2) 2020

TAPURA AKAMARAMA

Te akatuke nei teia Ture Tamanako i te Ture Nui KOVITI-19 2020 no te oronga mai i tetai au ravenga i te paruru i te Kuki Airani mei te KOVITI-19 (Makikorona 2019).

Ko te au tau anga mamaata koia oki—

- akaroa atu i te tuatau o te ture ki te openga o te ra 31 o Tiurai 2021; e pera
- ronganga i te tika ki te au akaueanga a te Minita ka tuku mai tei anoano ia tetai tangata kia rave i tetai angaanga i akataka ia me kare auraka kia rave i tetai angaanga i akataka ia, me kare kia aru i tetai au akanoonoo anga i akataka ia; e pera
- akamarama anga i te mana o te au akaueanga a te Minita kia kauraro ia te reira no runga i te putuputu anga tangata; e pera
- takore anga i te akataka anga i te akatika i te Minita o te Moni kia maani i tetai au akaueanga no te tero no te mea ko te ravenga i ariki ia mari ra ko te akatuke anga i te ture no te tero inikamu e tau ei; e pera
- tauru anga i te mana o te au tureiti kia maani ia no te tuku anga i te au akakotinga anga no te paruru atu i te taura arai o te moana.

Irava 1 akataka anga i te Upoko o te Ture Tamanako.

Irava 2 akataka nei i te tuatau e taangaanga ia ei teia Ture Tamanako koia oki i te ra i muri ake ka ariki ei te Kauono o te Ariki Vaine i te reira.

Tuanga 3 akataka anga e ko te Ture Tamanako te akatuke nei te reira i te Ture Nui KOVITI-19 2020 (te **Ture Metua**).

Tuanga 4 Mono nei i te tuanga 4(2) no te akaroa atu i te tuatau o te ture. Ko te tau anga koia oki te akataka anga e ko te ture kia takore ia te reira i te openga o te ra 31 o Tiurai 2021. Kia tau oki ki te akataka anga i teia tuatau nei, ka rauka teia ture i te takore vave atu na roto i te Akaueanga mei roto i te Konitara Akaaere me kare i te akaroa atu i te reira na roto i te Paramani.

Tuanga 5 mono anga i te tuanga 7, no tetai uatu taii anga ki tetai atu au ture ke. Ko te tau anga maata koia oki ko te akataka anga e mei te mea e au taii anga tetai i rotopu i

te au tureiti tei akamana ia i raro ake i te Ture metua e pera tetai uatu ture (mari ua ko teia Ture me kare te Papa Ture metua), ka mana rai te au tureiti.

Ko te turanga o tetai uatu taii anga no te au akaueanga a te Minita kua akamarama katoa ia te reira i te akapapu e ka vai mana rai te akaue anga a te Minita mei te mea e tupu ake te taii anga ki tetai uatu ture e kare i te Ture metua, Papa Ture metua, me kare au tureiti i akamana ia i raro ake i te ture metua.

Ko teia tuanga no runga te reira i te au tau anga.

Tuanga 6 akatuke nei i te tuanga 8(1), no te au akaue anga a te Minita o te Marae ora. Ko te au tau anga—

- *parakava ou (g)* kua aite rai ia ki te parakava (g) i konei inara kua akataka te reira no runga i tetai angaanga tei “akataka” ia kia aiteite te akakoro anga ki tetai au akataka anga mei teia katoa rai; e pera
- *parakava ou (h)* marama atu te reira i te parakava (h) i teia tuatau nei no runga i ta te Minita ka akaue no runga i te akaatea mamao anga mei te putuputu anga tangata; e pera
- *parakava (i) ou* no te akatika anga i te Minita kia tuku i tetai akaue anga kia rave te au tangata i tetai au angaanga i akataka ia, me kare kia aru i tetai akanoonoo anga i akataka ia.

Tuanga 7 akatuke nei i te tuanga 23, no te akataka anga i tetai au akaapa anga e te akautunga anga. Ka akaapa ia tetai mei te mea e kare aia e aru i te au akanoonoo anga a tetai tureiti i akamana ia i raro ake i te Ture nui e ka akaapa ia ki te akautunga anga maata me akautunga ia mei tetai atu au akaapa katoa i raro ake i te Ture. Ko te akautunga anga maata koia oki e are auri no tetai tuatau kare i tere atu i te 12 marama me kare utunga moni kare i tere atu i te \$10,000.

Tuanga 8 takore nei i te tuanga 29 no runga i te akaue anga no te tero no te mea kua ariki ia tetai mataara tau koia oki na roto i te akatuke anga i te ture o te tero inikamu tei tau ia e kare e maani ia tetai akaue anga.

Tuanga 9 akatuke anga i te tuanga 31 no te akamarama anga o te au mataro pairere e pera mataro pai e ka arai ia ratou i te tomo mai ki roto i te Kuki Airani me kare, ka tuku ia tetai au akanoonoo anga no ratou ki runga i to ratou au akakiteanga no te tomo mai i raro ake i te tuanga 9A o te Ture Nui 1971-72 no te tomo, noo mai e te akaruke i te basileia pera kia tau katoa ki te tuanga 31(1) o te ture metua.

Ka tuku ia tetai akaue anga no te au mataro o tetai pai kia tau ki tetai au tureiti I raro ake i te tuanga 32 e te 33 no tei kore i ariki i tei akaue ia me kore, kare i rave i te reira.

Tuanga 10 *tauru anga I tetai tuanga ou 32 e te 33.*

Ko te tuanga 32 ou, kua akataka mai e ko te au Ture Iti kia maani ia no runga i te au tairangi anga tuketuke no runga i te paruru anga i te taura arai moana. Ei akakou anga, ka piri atu teia ki runga i —

- te akakotinga anga i te tomo anga mai o te au pai ki roto nei i te Kuki Airani; e pera
- uku anga i te au akanoonoo anga no te nooanga paruru ia e pera nooanga takake ki runga i te au tangata ka tomo mai ki roto i te Kuki Airani; e pera
- te akapapu anga i te paruru meitaki i te tuatau o te apai anga i te au mataro.

Ka maani ua ia te au tureiti no te akakoroanga i te taangaanga i te au ravenga no te paruru, akaiti, me kare tapu i te totoa atu o te maki KOVITI-19 e tona au kino (mei tei akataka ia i roto i te tuanga 3 o te Ture Nui).

Ko te tuanga 33 ou kua o katoa mai tetai au akataka anga no runga i te au Ture Iti no te paruru anga i te taura arai moana. Kua riro te au akataka anga o te au Ture Iti —

- i te akamarama i te au kupu; e pera
- te akataka anga i te au pai me kare akapapaanga o te au pai ka tomo mai ki roto nei i te Kuki Airani, me kare te arai anga i te au pai katoatoa mei te tomo mai ki konei; e pera
- te tuku anga i te au akanoonoo anga no te nooanga paruru ia e pera nooanga takake e tetai atu au turanga no te au pai e to ratou au mataro ka tomo mai ki te Kuki Airani; e pera
- te tuku anga i te au akakotinga anga ki runga i te au putuputuanga o te au tangata i runga i te au pai e pera te au mataro i runga nei i te enua ki te au pai e pera to ratou au mataro te ka tomo mai ki roto i te Kuki Airani, me kare te arai anga atu i te au putuputu anga o te au pai e to ratou au mataro; e pera
- akataka anga i te au akakopaeanga mei te au akanoonoo anga i tuku ia i roto i te au tureiti; e pera
- te akatika anga i te Minita o Te Marae Ora kia oranga i te akatika anga (kia tau ki te au turanga i akanoo ia) ki tetai pai kia tomo mai ki roto i te Kuki Airani nei no te akakoroanga tauturu oraanga me kare no tetai atu akakoroanga kimi tauturu; e pera
- te tuku anga i te au akanoonoo anga no te Minita me kare te tangata akatere o tetai pai (me kare raua ravarai) kia rave i mua ake ka oronga ei te Minita i te akatikaanga ki tetai pai kia tomo mai.

Te akataka nei teia tuanga e ko tetai uatu apinga i roto i te au tureiti tei paruru me kare akakotinga i tetai uatu pai i te tomo mai ki roto i te Kuki Airani, kare te reira e iri ki runga i te au pai tei o ki roto i te tumatetenga me kare ka tomo mai ki te Kuki Airani nei no te akakoroanga akaora tangata, e kare katoa e iri ki tetai pai porenatei tika ia i te tere na roto i te ava moana me kare tapae mai ki roto i te ava no te angaanga akarakara tai moana no teiane ai.

Ei taopenga, te akataka nei teia tuanga e kare tetai ngai i roto i te au Ture Iti e akakotinga me kare e arapaki atu i te au akanoonoo anga no te tomo mai ki roto nei i te basileia i raro ake i tetai uatu ture me kare au paruru anga i tetai pai porena mei vao mai me kare i tona au mataro.
